

To

\_\_\_\_\_  
\_\_\_\_\_

**WY Thil Tumte**

1. Pathian ram zau nana Chanchin Tha hril.
2. Krista leh A kohhran tana rawngbawl.
3. Rinna kawnga thang lian tura inzirtir.
4. Chhungkua, ram leh khawtlang tana inhman.

HNEHTU la duh chuan Veng-agent hnenah emaw,  
National Office Tahan (ph. 22005)-ah emaw  
ngaihven tur a ni.

Hnehtu E-mail: hnehtuchanchinbu@gmail.com

Bu khat manK. 100

Dak atangin K. 150

Printed at:  
Zolun Computer & Riso  
Sanmyo-Kalaymyo  
Ph. 073-21239

# Hnehtu

*Chhuah tan kum 1998*

Vol. 13

No. 151

May

2011

*Ani chu hmanlai pawl 10 a nia...!*  
*Khawvela hmun nuam ber khawiah nge?*  
*AN LUNG A LENG VE NGEI ANG*  
*Tun hi tawngtai hun a ni*  
*Tunlai khawvela thil thleng*

*Finna Bui*  
*J rabungbabina kwa hlei rabub*

ကုသလ်းကော့ကုတုလ်းကန့သတ်

HNEHTU Editorial Board Member-te

**Editor** : RL Hmangaiha  
**Joint Editor** : Hodia  
**Secretary** : F. Lalliansanga  
**Member-te** : Lalchhuanliana  
: J. Muanpuia  
: Zonunsangi  
**Ex-officio** : Zohmingliana, NWY Director  
: Ngursavunga Sailo, NWY Secretary

A chhunga thu awmte	
Editorial : .....	1
WY Day thupui:	
☞ Rawngbawlna hlen & Lalpaa lawmna	2
Ringtu:	
☞ Tun hi tawngtai hun a ni	14
Article:	
☞ Finna Bul	15
Hringnun:	
☞ Khawvela hmun nuam ber khawiah nge?	5
☞ Darthlalang	9
Khawtlang lunglen:	
☞ An lung a leng ve ngei ang	8
Ngaihtuah a ngai e:	
☞ Ani chu hmanlai pawl 10 a nia!	10
Chanchin thar:	
☞ Tunlai khawvela thil thleng	18
<b>Zunthlum damdawi</b>	<b>22</b>
WY Huang:	<b>23</b>
<b>Advertisement</b>	
Grace Boarding School	13
Sann Pan Ein Boarding School	24
Union Biblical Seminary	25

## Bible Zir Duhte tan..... Kawlram khawpui Yangon-ah aw...

\* Pathian hruainain 2011-2012 UBS Academic Year lo awm tur inbuatsaih lawkna ni pahfawmin ‘Summer English Speaking Course’ chu March thla atang hian zing, chhun leh zan ngawrh taka neih a ni. Zirlai mi 40 rualten tunah hian an zir mek a, an chhiar a, a takin an hmang tan mek a ni. Thawhtan atanga Zirtawp thleng chu English Compulsory a ni a, Campus-ah Sap tawng chauh hman mek a ni.

\* 2011-2012 UBS Academic Year chu Pathian rinchhanin June ni 1 atanga hawn leh tur a ni a, zirlai fel leh tha mi 60 chuah lak tur an ni ang.

\* UBS atanga zir theih Degree: B.Th., M.Min., M.A., M.Div.

\* B.Th. zo tawhte tan Credit Hour 90 an zawh theih chuan subject zir turte thiam taka zir zo tho siin kum hnihah M.Div. degree pek theih an ni tawh ang.

\* School fees thun dan tur chu: Mi thar tan admission fees K. 10,000/-, ei in leh thil dang K. 70,000 (A vaiin K. 80,000).

\* Zirlaite zingah mi bikte chu Scholarship pek an ni ang.

\* Bible thu zir duhte tan leh Theology zir chiang duhte tana thlarau lam School, zai mite tana inchoherna pum, infiam mite tana intahhriamna, Sap tawng thiam chak tak takte tana zirna run, lehkha thiam theite tana nihlawhna leh Pathian rawngbawl tura inbuatsaihna School-ah hian rawn kal la, rawn zir la, a takin kan hmangho dawn nia.

**Lalramnghaka, Academic Dean, UBS, Yangon.**

**Ph. 01-638306/703783**

**01-525509/538703**

**095071877**

“Lalpa chung a lawmna chu in chakna” a tih hi a dik lo thei lo vang. Sam No. 103 kan en chuan Lalpa kan chung a thatna kan hmu thei a ni.

1. **Tleirawlna mupui anga siam thar:** Mihring chu chau thei, naupanna ata upaa tar thei kan ni a. Mahse, ringtuin a rin Lalpaah a inngah thlap chuan Sam 92:14-ah “Tar hnuah pawh an la rah fo vang. Tuipai teuhvin an hring hluah hluah ang,” a ti a ni.

2. **Ka chu thil thain a titlai thin:** Ei tur tlachham nei lo a awm theih reng. Mahse, Lalpan amah ringtute chu ei tur tlakchham a phal lo chauh a ni lo, an ka chu thil thain a titlai zawk thin a ni. Lalpaa “In ka ang zau ula, ka tikhat dawn nia, Sam 81:10-ah a ti lehngal a ni.

3. **Lalpa chukan nunna chhandamtu:** Mi khapkar chhung maia boral thei reng, a nih loh pawh leh taksa pawha natna tawka khumbeta engmah tithei lova mu per reng thei kan nih laia tun dinhmun min nihtirtu hi tunge? Pathian a ni. Kan khawlohna zawng zawng min ngaidam a, kan natna min tidam bawka, boralna lak ata min hnukkir a, a ngilneihna leh lainatna min khumtirtu chu kan Pathian ni a ni. Lalpa chu fak

awm rawh se.

#### 4. **A thiltih that theihngihl suh:**

Kan ni tin nun kawng kan chung a Lalpa thatziate hi i ngaihtuah ngai em? Ringlo mite chuan amaha thil lo awm mai, a hun a nih avanga lo piang mai an ni, an ti ang. Mahse, kan Bible chuan engkim hi Pathian atanga chhuak a nihzia min hrilh a ni. Ringtuin thil zawng zawng hi Pathian tih a nih a chian poh leh Lalpaah a lawm a zual thin. Kan tihtheih loh mi dangin min tihsak se a hnenah chuan “Ka lawm e” kan ti ngei ang le. A chung a kan sawite avang khian Lalpa chu kan lawmna a lo ni ta a ni. I chung a that chhuahnate hi hriat reng chuan Amah Lalpa chu i theihngihl lo tihna a ni a. I theihngihl loh chuan Amahah i lawm tihna a ni bawka ang a. I hma hun lo thleng tur atan pawh i huphurh ngai tawh lo vang a, amah avangin i thla a muang tawh ang. I thlamuanna chuan chakna a siam ang che. Chuti chuan, Lalpaah chuan i lawm thiam tawh ang. Chu i lawmna Lalpa chu i tan chakna a ni reng tawh ang. Lalpa chu fak in awm rawh se. ■

[Sawmna min tihlawhtlinsak a, kan lawm hle. Ed.]

#### Editor luangliam.....

Tun May thla chhuak chu mi lo uartute ka ti hrilhhai hle dawn che u a nih tak hi! ‘Chhaktiang’ chanchinbu chairman J.K-a te (phek 10) te, YZTP a lo phusa hrep tawh leh tun laia Internet website lar tak [zoin.info](http://zoin.info) lama a khaipa Vanlal Zawma (phek 5) te meuh Hnehtu-a an pen-tui an fartir chuan Editor hian hmun ka chang pha ta der lo mai le!

E-mail atang hian thuziak kan dawng leh nawlh thin a, e-mail a kan dawn Yangon Nula (phek 8)-in lunglen a rawn hril a, a rawn inhri thla, kan han hrilh chhawng veleh che u a ni. In lung a leng ve ngei ang, thal ro mei zam karah hian.

Min rawn tihchhan deuh pawh ni se, ‘Tawngtai’ (phek 14) leh ‘Finna Bul’ (phek 15) thute hian min ei em avang hian a ei ve hle chu u ringin kan han ti chhuak a. Editor nak do zawnga thu tha tak tak in rawn ziah fo chuan chhuahsak duh loh hun in la tawng mai ang!

‘zofate.com’ website in hmel hriattirna leh Japan lirnghing khan a ti hrilhhai hle che u a! In chan loh kawnah Mizoram AIDS chanchin a lo chhuak null ta mai kha, chung lam hna thawhah i ngai mai ang u. Khawvel chanchin tam deuh zawkin thupha chawi nan (phek 18) kan han tarlang e.

Mawhpurhna leh chanvo ‘hlen’ thinte hi mi puitling an ni. Lalpaa lawm thei rengte chu mi derthawng te mah ni se, engmahin a hneh thei lo va mi chak an nih thu (phek 2) hi chhiar hmaih phal chi a ni lo vang. ■

Editor

## DAY THUPUI:

# Rawngbawlina hlen leh Lalpaa lawmna

Rev. Let Kho Sei, National Secretary

## 1. I rawngbawlina kha hlen rawh:

**Thuhma:** Rawngbawltu chu mi taima leh dawngdah hauh lo, ngaizam mai mai ngai lo a nih a tul a ni. *Entirnan:* Chhungkaw tana choka lam mawhphurtu tuk leh zan ei rawngbawltu chu a taimak a, a tui dan tur ngaihtuah ran chung a rawng a bawl chuan a ei tlak em em angin, Chinchin Tha rawngbawltu pawhin vei leh ngaih pawimawh bera a neih chuan thahnemngai taka inbuatsaihtu chu Pathian Thlarau Thianghlimin a pui thin a, mi dang tan chaw tuihnai hluiin a awm ngei thin a ni.

**Hlen rawh:** Miin tih tur bul a tan tawh chuan a thiltih kha a tihzawh ngei a duh awm hle a ni. Thiltih reng renga engmah zawh tak tak nei lo, chhum bung remruma tih ching mi chu, tu tan pawh a rintlak lo va, englai mahin mi rinchhan tlak a ni ngai lo vang. Kan hna thawh hian

kan mi zia a tarlang nghal a ni. **Hlen** rawh tih chu a tawp **Thlen** rawh tihna ang a ni. A har deuh avanga inthlahdah tur a ni lo. Beih hram hram a ngai. Lui kan daiin a tui khauhna hmun kan thlen pawhin ral kai tur kan nih tlat avangin kan zam chhe mai thei lo. Kai ngei ngei tur a ni. Kan kai chiah khan *'kan hlen'* tihna a ni (Jer. 48:10).

**Fimkhur la:** Chanchin Tha rawngbawla kawng hlen tur chuan *'Ka tih chu ka tih a ni mai'* tih theih a ni lo. Fimkhur a ngai tak meuh a ni. I tih thatah mi an tha ang. I tih sualah mi hremhmunan an lut ang emaw an kal sual emaw a ni ang a, mawh i phur a ni. Fimkhur rawh. Engtikah nge fimkhur a ngaih:

1. Thu sawi kawngah (Kol. 4:6, Eph. 4:25, 4:29)
2. Pathian thu lak danah (IPet. 4:11, Jon. 3:2)
3. Nungchangah (Phil. 1:27, 2Kor. 8:20-21)

**Hrehawm tuar la:** Taksa lam hrehawmna a awm ang bawkin rilru lamah pawh hrehawmna a awm a ni. Eng hrehawmna pawh chu ni se, rawngbawlina hlenna tur chuan peih vang emaw, ngam vang emaw, chak vang emaw a tuar tur ni lovin a tul em avang leh Krista avangin kan tuar tur a ni reng a ni (Acts 14:22, Phil. 1:29).

**Chanchin Tha hriltu:** Eng chanchin nge kan hrilh ang? Kan Bible-ah hian mi thiam (bible chik mi) te chuan Chanchin Tha hi chi hrang hrang awmin an then a.

*Eg.* 1. Ram Chanchin Tha: He ram Chanchin Tha hian lo thleng tur ram, kan Lalpa Isua Krista hova Israel te rorelna ram, kum sangkhat lalram lo ding tur tana Kross hma lam leh Tirhkohte hun chanve dawn lai huapa zirtirin an hrilh. Tin, kum sangkhat lalram din hma deuh lawka Mosia leh Eliza ten an rawn hrilh leh tur Chanchin hi *"Ram Chanchin Tha"* tiin an sawi (Mat 9:35).

2. Khawngaihna Chanchin Tha: Mi sual fa te, mahni felnaa Pathian ropuina chang zo tawh lo te (Rom 3:23) tan Pathian Hmangaihna avanga (Joh. 3:16) Fapa Isua Kristaa chatuan nun pek (Eph.

2:8) kan nih thu, mahni lamah chhuan tur reng nei lo, Lalpa chhuang zawka (1Kor. 1:30, 31) nung chauh kan nih hi *'Khawngaihna Chanchin Tha'* an ti bik a ni.

Chuvangin, mi zawng zawngin Pathian khawngaihna avanga rinna Krista Isuaa a thlawn maia Pathian fa kan lo nihna thutak thu hi khawvela mi zawng zawng hnena hril tur kan nih avangin kan Chanchin Tha rawngbawl hi a tawp thlenga hlen tur kan ni e.

## 2. Lalpaa lawmna chu in chakna: (Neh. 8:10)

Mihring hi kan lawmnate hian kan taksaah nghawng a nei thei hle thin. Kan rilru a nawm loh reng chuan kan chauva, natna te pawh hian mi a ngam bik thin a ni. Kan ni tin nunah han lawmna tur a awm lo pawhin kan hmuh leh kan hriatteah hian lawm tum tlat ila, a tir lamah har mah se zawngchhang khawpa kan chin chuan thil zawng zawng hi a nuam ta vek emw tih tur ang hi a lo ni. Tichuan, kawlin ဝိတ်ပျော် ကိုယ်နဲ့ a tih te ပျော်ပျော်နေသော an tih angte hi a lo dik thui ve khawp mai. Chungte mah chu a dik theih chuan Pathian thuin

by Grace Awmi, Yangon

# ʔn lung a leng ve ngei ang

*Ka hun leh ni hman te chuan min liamsan zung zung a, ka nun eraʔw chu a danglam thei silo. Aʔwmkhua a har mang e, in zun ngaia aʔw hi engtin aʔw ve ang che u maw! Hmana kan sul hnu zaʔwng ka thlirlet changin a tlang amual mah an danglam si lo. Chhawrthla pui a lo eng changa hlim te a zaivaʔwra kan nui dun lai nite kha aʔw ka lairilah a cham reng thin asin, nghilh in har ngei e. Aʔw..... ka thian duh tak te u, ka ngai em che u asin.*

*Aʔw thiante u ka tawn mek darkar hi hriat thiam har ka ti thin, aʔw mite hian hetu ang hian ani maw lunglenna hi an lo tahpui thin ni. Intawn leh ni tur han daʔwng chiang ila kaʔwng hi a thim tulh tulh mai si a. Ka thutna te hian thut reng an duh lo, ka ke te lah hian kal (vah) reng an duh silo, ka ngaihtuahna te lah chu a chaʔw thei chuang si lo. Aʔw dan thiam a har ka va ti tehlul em, kei atan zaʔwng hun leh nite hi a va han sei bik tak em. Suiblungrual tea zan dai thlifim paʔw kan tan a aʔw ve lo emaw tia duhthu kan sam thin laite kha ka ngaih a zual thin. Ka taksate hian hmun luahin aʔwmhmun khuar thin mah se, ka ngaihtuahnate hi a vak ruai ruai mai si a. Thian tha tak takte zaʔwngin a haʔwivel thin a, nangni anga thiantha leh duhaʔw, ngilnei leh zaidam hmuh tur an aʔw si lo, 'ka ngai em che u asin...' timah ila min chhang tur an aʔw mai si lo. Sawi daʔwng ila min ngaihtlak saktu an aʔw si lo va. Chu tih hun lai chuan eng chuan min raʔwng chhun dinga ka han thlira a kiang leh mai thin si, Khuanu remruat dan hi hriat thiam har ka va han ti tak em. Lenrualte ngaia lung len reng mai hi zaʔwng ka chan taʔwk a ni bik reng daʔwng em ni. Aʔwmkhua a har ka ti, engkim daʔwngin ka tuabrem lai chhung ka han haʔwng tabchuan hlimte a kan aʔw ho laia hlimthla enchim loh nen kan laʔwmna leh kan hlimna tham hnu ka chhar chhuak leh ta. Ka enchim loh, in hlimthla ka chan*

# KHAWVELA HMUN NUAM BER KHAWIAH NGE?

By Vanlal Zawma

New Zealand ram chhim lam thlair kara aʔw, khawpui mawi leh chen nuama an sawi, *City of Garden* an tih mai thin *Christ church* khua chu February 21, 2011-ah lirngchingin nasa takin a nuai a, a mawina, a nawmna leh a hlutna US\$ 6 billion



man lai mai a tihchhiat thu ka hriatin ngaihtuah a ti tam hle mai a. Chu thu chu ti ti sawi nuam tak a nih mek laiin March 11, 2011 khan khawvela ram changkang ber zinga mi, a bik takin *electronic* leh *engineering* lama ber kai hiala an sawi Japan ram khawpui Tokyo chhehvel chu Lirngchingin a han nuai leh tak tak mai a, lirngching avanga tuifawn (Tsunami) chuan Japan ho thiamna leh hausakna tam tak mai chu mitkhap kar lekin a lem zaʔwsak leh ta mai si a. Heng thil thlengte avang hian ka rilru a ralmuang lo hle a, khawvelah hian hmun nuam leh ralmuang khawiah nge a aʔw ang tiin zan tam tak min ngaihtuahtir ta a ni.

Khawvela hmun nuam leh *hotel* nuam nia an sawi tam takte chu Tuifinriat kam a ni deuh vek a: chuti anga hmun nuam leh thawveng, eng lai pawha chemdam thlifim thawt

hiau hiauna hmunahte chuan cheng ve turin ka han inbuatsaih dawn chhin a, mahse Tsunami tuihawnte chu ka mitthlaah hian fiah takin a lo lang nghal a, ka ngam leh thin lo a ni. Ti chuan ka suangtuahna chu a vak kual ta chiam mai a, khawvel hmun hrang hrangte chu a fang kual dun dun ta a.

Kuala Lumpur khawpui leh New Delhi khawpui te chu hnaivai berah ka zu fangkual hma sa zet a. Mi tam tak ka hmuhte chu khawvel hmun nuam leh ralmuang zawk pan tum an lo ni hlawm a. Kan ram ei leh bar zawna harsat lutuk avangin ram changkang zawk leh nuam zawk nia an rin lam pan tum chuan mi tam tak an lo hmanhlel hle mai hi a lo ni a. Chung mite chuan America leh Europe khawmual te, Australia te an thlen theihna tur a nih phawt chuan kum 3-4 hrehawm tinreng tawrh rih chu an huam mai ni lovin dawt sawi leh mi hek (*Tute emaw hnena tanpuina an hmuh theihna*

*turin an chanchin chu phuah chawpin an ziak a, tute emaw chu an chung a sual leh nunrawng tak angin an ziak thin bawk niin an sawi*) pawh an hreh loh hmel hle hlawm a. Chung zingah chuan Thutak ka varpawh tawh, Thutak fa ka ni inti, mi tam tak an tel mai bakah evangelist leh rawngbawltute pawh zuk tel ve bawka maw le! Vanram kai aiin USA kal kan chak tlang zawk niin a lang.

Khawvela hmun nuam ber nia an ngaih America leh Europe khawmual pawh thleng hman lova Malaysia leh India vela an phum bo tak te, lawng leh motor chetsual vanga kawng laka thi bo tate chanchin ka hriat phei chuan ka rilru a timangang hle a ni. Nunna hial chan pawh huama kal kan chak em em, America leh Europe khawmualte hi hmun nuam leh ralmuang tak tak a ni meuh em tih pawh ngun taka kan ngaihtuah a tul niin ka hria. Kristian hmasaten vanramah chuan faisa rin tur a ni a, thawhrim pawh a tul tawh lo tia

an lo inzirtir ang hrima USA nawmzia kan insawihmuh thinte hi a dik tawh ta lovin ka hre bawh.

USA an va thlenga thawh loh chuan ei tur awm si lo, khawi state-ah nge inhlawhna tam deuh vang tiin an vak kualin an pem phar a. Rin ang takin a lo nuam tak tak meuh lo a nih hi tiin lo hawn leh tum mah se, hun eng emaw chhung chu an lo hawng thei tawh bawh si lo va; nu leh pa, nupui fanaute ngaiin leh tap hnapin hna an thawh a tul si a ni. Lehkha thiam lo tan phei chuan kumkhuaa mi tirhkaha awm leh an thawh peih loh thawk tura inpeih reng kha an tih theih awmchhun chu a ni mai awm e. Nu leh pa, nupui fanaute thih ni khuaah an ruang pawh kil thei lova mi rama tawm sen rengna a ni bawh tihte hi kan hriat hmaih ka hlau em em a ni. Ei leh bar awlsamna leh hmun nuam zawk pan kan tumna avanga mahni leh mahni ral tlan ang hrima kan insiam/sawi chawp

a, kan in leh lote hial hralha kan kal chhuak huai huai ta mai hi kan inbih chian a hun tawh lo maw.

Hmun nuam zawk zawnga kan pem chhuah tum dan hi Pathian remruat nge a nih a, keimahni (*mihring*) remruat zawk tihte pawh kan ngaihtuah a hun tawh hlein ka hria. Chu bakah he thil hi kan hnam hmasawna tur nge a nih, kan hnam hi chimrala a awmna tur zawk tih pawh kan ngaihtuah a hun tawh hle bawh. Heti ang zela kan vak chhuak/darh a nih chuan hun rei lote chhungin zofate hi hnam lian tak tak karah zeh ralin ka awm ngei ang tih hi ka hmuh dan a ni.

A tawp ber atan, "Khawvela hmun nuam ber chu khawiah nge" tih chuan, Tedim zaithiam, Pau No chuan, "*In leh lo, sum leh pai bangmah neih lo in; nek ding bangmah nei lo zawng in, ngaih nang tawh om le hmun khen peuh nuam e; kei kia'g pan pai khia nawn ken maw Ngaih aw...*" a lo ti a. Keini Krista mo hualte pawh **Phek 22-ah chhunzawm a ni....**

an sang tih loh theih a ni lo. An zahawm ngang mai. Tin M.A hmasaten an hunlai hma deuhva thil thlengte chhuia an ziakna leh an hun mila thu thar thil thar an hmuhchhuah recordna thesis te lo awm lo sela thangtharte tan hmalam pen dan leh hmasawn dan a muangin a khaih lak ngei ang. Chuvangin mi hmasate kha an zahawm tih loh rual a ni lo.

Amaherawh chu thiamna leh zirlai zir san leh san loh vah leh tunlai thil nena inkungkaiha rawn tlak an nih leh nih loh lamah chuan thiam chen leh degree inang leh intlukpui raurauah tunhnaia zirchhuakte hi an rawntlak zawk ngei tur a ni. Rawn tlak an nih chuang lohva experience factor (hmanlai tawnhriatna) lamah chauh ni lo intellectual factor (tunlai thil hriatna leh tunlai thil thlirdan hneh sawhna) lam thleng pawha hmanlai zirchhuak ngaisang zawk leh refer (kaw k chhawng) tuahhum mai kan nih chuan a chiang lo Lette va lam leh rawn.. tih a tul mai ang. Hmanlai zirchhuakte kha an zir tha bik a, an hre deuh ang, keini chu kan zirzo ve mai mai a, ... tia hmanlai hmanlai kan tih reng mai chuan a titu chu inngaihtuah ngun rawh se. A degree a umpha lo

chiang a ni. Inchhiar hriam lehin a degree umphak tum fan fan nghal rawh se.

Ram dangah chuan B.A. zirzo hmasaten mite zawhna an dawnin, "Keini zir ve kha chu tun hun tan chuan a hlui tawh em a, kan chhang cheu a nih pawhin, a rintlak tawh lovang. Thudik hi a aia dikin a tidik lova, thil thar pawh a aia tharin a tih hlui zel hi," tiin B.A. zirzo thar ho hnena zawt zawk turin an ti a ni ngai.

Nia, a hluitena an hriat zawk tur tam tak chu a awm ngei ang. An zirlai huna thil thleng leh an activity te, an zirlai huna textbook kalhmangte leh an zirlai hun nena inkungkai thildangte. Mahse chung chu intellectual factor ni lovin experience factor an ni. Tin zirchhuak hmasa na na na chu hnathawhna lamah pawh an lo lut hmasa a, thawh tak tak dan pawh an thiam zawk fe ang. Chu chu skill factor a ni.

Dik lo zawk taka chu tunlai zirchhuaktena experience factor emaw skill factor emaw-ah chauh ni lova intellectual factor ah leh updated knowledge (tunlai thil hriatna) pawha HMANLAI ZIRCHHUAKTE kan ti chamchi hi a ni.

taw k te hi ka vawng reng ang ka lairilab hian ngbilh loh par kum tluang ro ka ti mai ang nge.

*Aw zanin chu thla a va'n eng marwiin a va'n nuam tak em. Mahni chauhva hman zawng a va pambmai thin mang e, sui blung a lengin, awmkhua a harin, lairil zawng a leng anih hi lenrua dukte nen blim te a zai tin kan vawr lai ni te kha, ka ngai thin. He thiante hi kan lenna hmun a dang zo ta si, min han briat chuah changin kan nundan hlui an dawnkir anga " An lung a leng ve ngei ang". ■*  
Manga te unau (UBS)



## Darthlalang

### “Retheih thlak Thlawn”

Fa pawh nei lo, unau pawh nei lo, mahni chauhva awm si, rim taka thawk mai, hausa inti ngai lo a awm, a duhzawng pawh a ei ngam lo va, tu tan nge a thawh tih pawh a ngaihtuah lo. A va hovin a va **retheih thlak thlawn em!** *Thuh. 4:8*

### “Pathian tih”

Mumang i ngah pawhin engah mah a ni lo, i tawng teuh pawhin a sawt hek lo. **Pathian tih rawh.**” *Thuh. 5:7*

### “Hlawhtlinna”

Fing lutukin dik lutuk suh, engah nge mahni i intihchhiat ang? Sual lutukin a lutuk baw k suh, a hun thlen hmian engah nge i thih ang? A eng zawk zawk mah hi uar lutuk suh, Pathian tih phawt mai la, i **hlawhtling** zel ang. - *Thuh. 7:16-18.*

Hnehtu Piancham 14-na  
June Thla WY Inkhawm Hmasaber  
Thupui: “Mi fing pawl la, i lo fing ang”

Ngaihtuah a ngai e

## ANi Chu Hmanlai Pawl 10 a nia!

J. Khuma

Hei hi kan sawi awl lo. Mi tin mai hian hmanlai a tel tawh hi chuan pawl zat sawi inang rau rauvah thiam bik tura ngaihna a awm tlat. B.A. rau rauvah hmanlai B.A. kan han tih chuan tunlai ho chu armulak thawm hria ang maiin kan ngawi duk a nih hi. Eng vang nge hman lai?

Zirna reng reng hi a hnuhnung apiang a famkim deuh zawk zel tur a ni asin. Scientist hmingthang Dalton-a te hunlaih khan Atom hi thil azawnga te ber leh sih phel leh theih tawh loh hialah an ngai a. Chu chu Dalton's Atomic Theory ah kan hmu Chiang a ni. Tichuan Atom chu phel theih loh tak tak em ni, ti ila ni aw zawng lo. Einstein-a te, Stephen Hawking-a te hun a rawn nih meuh chuan Atom chu hmun thum (proton, neutron, electron)-a an rawn then theih bakah chumi zinga zang leh te ber electron ringawt pawh hmun hnih thum laiah an rawn phel sin chhawng thei ta. Zir laibu famkim tawh a awm thei lova. Zir tur subject thankin a awm theih bawh loh. Chutiang khawvel chu kan chenna khawvel a nih tlat avangin.

Zir laibu chauh zira exam chauh pass tumna hian nget angin

min eichhe khawlo zo tawh a. Exam pass chu thiam chianzia lantirna pakhat mai a nih laiin Exam pass chu thiam leh thiam lo tehna ah ber kan hmang a, chu exam lah chu by-heart chak chak tih lam zawngin a kal lehngal si a. Thiam tak tak lovin kan pass ta chur chur mai. Nia, lehkha chu thiam e, hriat tur kan hre si lo alawm. Kan lehkha byheart te khan eng information leh knowledge nge min pek tih lam hre lovin a lehkha intuntlar dawt dank an vawng ringawt a, chu chu kan zia chhuak a, kan pass chu a ni der zel mai si a. Hei vang tak hian a ni Hmanlai kan lo ngaihsan thin em em ni.

Aw le International level in han thlir the ang aw. Master emaw Doctorate emaw a nih loh leh Bachelor level pawh ni sela, a zir hmasa te zir aiin a zir hnuhnungte zir lai Curriculum chu a level a sang

zawk chawk. Tin thil hmuh chhuah thar ber ber leh tunlai ber ber (New Findings) a inngat zelin information thar nena rawn intat hriam te chu tuna hman atan chuan an thlanawm ber dawn lawm ni. 2001 kuma M.A pass chuan a thesis ah 1990 bawr vela zia lehkhabu a rawn thei a nih chuan a tha pawl a nih mai hmeh. Mahse 2008 a M.A zir zo pa chuan 1990 chho bawra thil thleng te leh chutiang hmaa lehkhabu awm ho base-a zia lehkha tanga a aia sang hrat kal thleng thil thar hmuh chhuah tawh hlir bu (1991 a zia te, 1992 a zia te leh a dangte,..) engemaw zat rawnin 2008 ah chuan research a han bei ve leh tihna a ni a.

A update zawk fe ang. 1990 chhova Research zo tawh ten 1980 chho bawr vela thil kal pelin an zia a, chung 1990s ho hmuh chhuah kal pel leh hretin 2000s a zir chhuakte chuan an han zia lehkha ngei bawh ang a, tin chutiang zelin 2000s chhova thil thar ber leh chhuak hnuhnung ber hmuchhuaka zia tute zia hmang chuan 2010s ho chuan an rawn kal pel leh hret pek ang a, chutiang zel chuan khawvel hma a sawn kan tihna tur tak pawh thil hmuh chhuah

thar atang a nih angin M.A theuh theuh M.Th theuh theuh pawh a chhuak hnuhnungte hriat apiang a huam kim zawk zel ang. Chutiang a nih laiin keinin Hmanlai B.A a nia, han tih veleha kan zam hu thin hi eng vang nge tih ngaihtuah chian ngam a hun ta hle mai.

Kan ramchhung zirna kalhmang duhthu a sam lo a nih pawh in chumi tuifawn in luanliamtir kher loh tur zawnga mahni inhmakhua dan a awm theiin a rinawm.

Hmanlaia zir hlawhtling hmasate chu an zahawm ngei mai. Tluk lohna tam tak pawh Thangtharte hian an nei ngei mai. Tehkhin nan hmanlaih chuan Boarding School pawh a awm lo. Tuition pawh awm tha fumfe lovin pawl sawm an pass. Mi naranin Matric pass tum lem lova an lo tal pawl ve mai mai hun vela an cheng chung leh Pawl 4, pawl 8-ah leh pawl 10-ah Sorkar exam an awm thuh tuk chung khan Tuition leh Boarding School kai miah lovin a hangin an han pass thei tehmai a ni a. Tumruhna ah leh mite tih huai huai lem loh lai pawha hmatawngtu (pioneering) nih lamah chuan kan tluk lova chha chu a ni. Pianpui B.A-na kan tih mai zawnah pawh

ang,” a ti a, he tah hian ‘Tih tak zetin’ a ti kher a ni. A duhzawngin a ti lo, i rilru tak taka i duhzawng ni lo ama duhzawnga i tul mamawhte tihtak zeta i dil chuan i tul mamawh chauh pawh ni lo, i duhzawng pawh a pek belhchhah dawn che a ni. Jak. 4:2-ah chuan, “In chak a, in nei thei si lo va, tual in that a, in awt a, in nei thei si lo va; in inhnial a, in indo va, in dil loh vangin in nei lo va; in dil a, in dil dik loh avangin in hmu lo, in nawmsak nan aman in tum si a,” a ti a. Chu tak chu a ni 1 John 5:4-in a sawi chu, “Hei hi ama chungka kan huaina chu a ni, engpawh a duhzawng anga kan dil chuan anin min ngaihthlaksak thin a ni,” Mangan niah pawh, “Mi au la, ka chhang ang che” titu Pathian kan nei hi ringtute kan vanneihna ber chu a ni.

In hnenah ka awm reng ang a tih hi wawiin thlenga nang leh keia hnena awm tura a intiamna a ni. Kan Pathian chu a thu tiam bawhchhe ngai lo Pathian a ni. Isaia 55:11-ah chuan, “Ka ka atanga ka thu chhuak chu engmah tih nei lovin ka hnenah a kir leh lo vang,” a ti a. Chuvangin, tih tak zeta ama duhzawnga kan dil thiam chuan a fapa pawh zuah lova a thlawna min

pe phaltu chuan engkim hi a thlawnin min pe thei a ni. Elia tawngtaina vanga **Baal puithiam zali leh sawmnga hmaa van atanga mei alh ti tlatu kha tuna kan Pathian hi a ni.** Chu vangin kan rilu tih tak zetin kan tisa duhzawng ni lo ama duh dan nen inmilin a dil dan i thiam ang u, Solomona pawh khan a tul mamawh chauh ni lo a duhzawng hausakna leh hmingthanna thleng a dawn phah a nih kha.

Solomona chuan Lalpa hnena a dilna chu a hlawhtling ta a, Lalpa tiha nun hman a nawmzia leh a hlawkzia chu a hriat chian em avangin, he kan thupui hi a rawn ziak chhuak ta a ni. Lalpa tih chu kan sawi tawh angin, “Sual huat hi a ni,” a ti a, i taksa khan sual hi a haw lova i chhunga awm Thlarau Thianghlim khan a haw tlat a ni. Chu tak chu a ni, Paula’n, “Tuna nung hi kei ka ni lo, ka chhungah hian Thlarau Thianghlim a nung zawk a ni,” a tih chu. Chu Thlarau Thianghlim duh dan ang zelin miin sualna a tlansan thin a ni. Josepha nunah fiah takin kan hmu thei e. Sualna kan tihah hian he hmuh theih sualna zu in emaw nu leh pa sualna emaw chauh a ni lo. Thufing 8:13-ah khan, “Chapona te, uanthuanna

A tha berah chuan hmanlai zirchhuakte, a hunlaia facility tha vak lo leh condition tha em em lo kar pawha lo mum khawchhuak thei mi tumruhte, kha tun hun atana hmantlak zel turin intat hriam zel se, tih hi a ni. An hriatna te update zel sela chuan, tichuan tunlaia zirlai tamtakte chak an la puhhruksak thei ang a, tunlaia zirlaiten puitu (resource persons) kan nei tam dawn tihna a lo ni ang. Ka update tawh lo, tituahhum lovin thil kalmang man ve zung zung thiam turin tunlai thil (computer, internet)te hi khawih ve leh sela lentlak a rual ang a, experience factor leh skill factor lam chauhva min ngaisang lova intellectual leh updated factor thleng pawha min ngaisang zawktu thalaite chakkhai an puhru zo zawk ngei ang. ■

\*\*\*\*\*

2011-2012 Zirna Kum - Pawl sawm tha taka pass  
duhte tan, Zirna hmun tha leh duhawm ber  
**GRACE** Boarding School  
*rawn pan mai rawh.*

Pawl 8, 9, 10 tan  
Luh tan ni: April 29, 2011 Zirtawpni  
Zir tan ni: May 2, 2011, Thawhtanni

Mahni Ina chaw ei, chaw inpek,  
Boarder-a ei nghal a theih vek.

Sayagi Lal Thlamuana  
No. 1/3, Bogyoke Road, Sanmyo, Kalaymyo  
Ph. 21937, 09-47080062

# Tun hi tawngtai hun a ni

By UBS Dinga

**R**ingtuten kan nunah harsa kan tih thin em em chu tawngtai hi a ni. Ringtu inti ve si tawngtai ngai pawimawh lem lo a awm theih. Tawngtai hi Pathian kan biak theihna hnai ber a nih avangin, tawngtai lo tur chuan inthlahdah hman reng kan ni lo. Tawngtai dan kalhmangte pawh kan thiam theih nan Bible mithiam ten heti hian an sawi. Tawngtai (PRAY) chu:

1. **P**-Praise God. (Pathian fakna).
2. **R**-Repentance.(inchhirna).
3. **A**-Ask(dil, ngen, ko)
4. **Y**-Yoke sharing with God (Pathian nen chanvo insemna).

A chung a Ask (dil) tih tawngkam hi heti angin a awmzia hrilhfah leh ta ila. ASK:

1. **A**-Asking (dilna)
2. **S**-Seeking (zawmna)
3. **K**-Knocking (Kikna). Tichuan sap tawnga 'Acts' kan tih hi a pawimawh leh ta a ni.

1. **A**-Adoration (Pathian biakna, ngaihhlutna)
2. **C**-Confession (sual puanna)
3. **T**-Thanksgiving (lawmthu sawina)
4. **S**-Supplication (urhsun taka ngenna). Heti anga tawngtaina hman tur a ni. Martin Luther chuan heti hian a sawi. Kan tawngtaiin Pathian kan bia, Bible kan chhiarin Pathianin min bia, a ti.

Tawngtai tih hian a sawi tum tak chu Pathian nena inkawm ngeihna tih a ni. Tawngtaina hian khawvel zawng zawng pawh kan fang thei bawk. Chuvangin, MAICHAM-a mei chu a mit tur a ni lo angi, tawngtai hi kan chhem alh fo a ngai dawn a ni. Isua hmingin, lungrualin, Isua hmingin tawngtai ila engkim mai hi a lo fel thin a ni (Math. 18:18-20). Intihsiaknaa tela a tawp thleng tlan ngat ngatte chuan lawmman an hmu thin.# Unau duhtak, tunah ngei hian Lalpan tawngtai turin min ko a ni. Tho ila, i tawngtai ang u. Lalpan mimal nunah min tawngtaitir theuh rawh se. AMEN. ■

# FINNA BUL

by Tv. Vanlalchhana, Sekan

**T**huhma: A hmasain he lehkha pheh var hmanga a thu puang chhuak theia min kaihruaitu Lalpa hming fakim awm rawh se. Pathian thu hi chu mi tupawn mahnia Thlarau Thianghlim inpuan anga kan hlawkpui dan theuhva sawi a ni thin. Chu vangin, kei paw'n he kan thupui hi mi a te chuan finna leh zirtirna chu an hmusit thin tih thu hi ka'n armit teh khuan pui ve dawn a ni.

**Lalpa tih chu enge:** Kan Bible chuan "Lalpa tih chu sual huat hi a ni (Thuf. 8:13)" a ti a, sual huat leh Lalpa tih tih inkara thu inthup hi enge tih chuan a thu awi nun hi a lo ni. Sual huat theihna chu a thu awina chuahvin a ni a, a thu awi theihna pawh a mah tihna chauhvin a lo ni bawk.

1 John 2:4-ah chuan, "A thupekte **pawm** si lovin, Amah ka hria titu chu mi daw thei a ni, thutak amahah a awm lo," a ti tawp mai. He laiah hian **pawm** a ti a, tawng dangah chuan **zawm** tihtein a inziak a, a enga pawh chu lo ni se a thupek pawma zawmtute chu Pathian tih tu an lo ni. A thupek i zawm chuan sual chu i lo haw mai ang. Lal Solomona pawh khan, Pathian thupek a zawm a ni. Bible thu kan en chuan, Davida'n a thih hma lawkin Solomona hnenah "I thiltih apiang leh, i hawina lam apiangah i

hmuingil theih nan Lalpa thupek Mosia dana ziate kha zawm rawh" tiin thu a chah ta a ni. ILalte 3:3 kan chhiar chuan, "Solomona chuan Lalpa chu a hmangaih a, a pa Davida thupekte chu a zawm a," tiin a inziak a ni.

Solomona chuan Gibeon hmunah inthawina a pe, chutah chuan Lalpa'n thu a zawt ta a, "Enge ka pek ang che" tiin he tah hian Solomona'n Lalpa hnenah a thil dil chungchangah hian mi tam tak chuan, kan tawngtaina te chhana a awm loh thin hi Lalpa duhzawnga kan dil thin loh vang a ni an ti thin a, a duhzawng chauhva i dil chuan engtikah mah a chhang dawn lo che. Sam 145:18-19-ah chuan, "Lalpa chuan a kotu zawng zawngte chu a hnaih thin a, tih takzeta amah kotu zawng zawngte hnenah a awm a ni. An au thawm a hria anga an ni chu a chhandam

an la inbei chhonzawm reng a, thi pawh an tam tawh hle nia sawi a ni. Sipaite hian khawpui chhungah hian tank la lutin, helho beihna atan an hmang a ni. Tunisia ramri bul, Zintan kuaah pawh Thawhlehi khan helpawl leh Libya sipaite an inkap bawka, mi 10 an thi nia sawi a ni.

**3. Libya sawrkarin inkahhai a puang:** US leh a thurualpui ramten missile hmanga Libya ram an beih hnuah, Libya sawrkar chuan an hruaitu Muammar Gaddafi paihthlak tumtu, helpawl lakah inkahhai a puang ta. US President Barack Obama chuan Libya hrekna tura UN resolution siam chu a taka hman a nih theihna turin a tul angin sipai chakna hman a ni ang tiin a vau zui bawka.

Libya Foreign Minister, Moussa Koussa chuan Libya ram beih a nih hnuah state TV-a thu a sawiah sawrkarin inkahhai a puan thu leh, UN Security Council resolution angin, civil mite himna turin hel laka sipai chakna hmanga beihpui thlakna zawng zawng tihtawp a nih thu hi a puang a ni. Koussa chuan Libya chu UN member a nih angin a resolution siam pawh a pawm a ngai a ni, a ti.

UN Security Council

chuan tualchhung buaina nasa tak tawka mek, Libya rama civil mite venhimna tura hmalakna kawng khat atan Libya rama thlawhtheihna thlawh khapna, no-fly zone puang tura ngenna chu a pawm a ni. Libya sipaiten thlawhtheihna hmanga sawrkar paihthlak tuma helte an beih avangin hemi danna atan hian no-fly zone hi puan a ni.

Missile hmanga Libya beihnaah hian an ram khawpui, Tripoli-a Col Gaddafi-a compound chhunga building a chhia. He building hi Gaddafi-a kaihruai sawrkarin command centre atana a hman niin tangrual pawl chuan an sawi. Libya sawrkar chuan US leh a thurualpui ramten missile hmanga an ram a beihnaah mi 64 an thi niin a sawi a, thite hi civil nge sipai an nih erawh a sawi lang lo. Heng bakah hian mi tam takin hliam an tuar a, khawpui chhunga hospital hrang hrang chu civil mi, hliam tuar enkawlin an indaihlo hle nia sawi a ni bawka.

Missile hmanga beih an nih hnuah pawh hian Tripoli khawpui chhungah mi tam tak chhuak khawmin, an hruaitu Gaddafi-a an thlawp thu an aupui a, a thlak leh flag hring vaiin an

te, thil tha lo chinna te, tawng chaltlai te hi ka haw tak zet a ni,” a ti a. Hengte hi Diabola hna thawh vek an ni. Chu chu i chhunga awm Krista thlarau thianghlim khan a duh lo a ni. Pathian fapa lo lan chhan ber chu Diabola hnathawhte a tihboral theih nan a ni (1 John. 3:8). Heng hun i tawha i tlansan theih ni apiangah i chhunga awm Thlarau Thianghlim kha i tih lungawina ni a lo ni dawn a ni. I chhunga awm thlarau a lungawi chuan engkim i tihnaah i lo hmuingil zel ang a, i nun a hlim reng bawka dawn a ni.

Pathian fa dik tak sualah a tlu a tlu ngai lo. Lalpa'n a veng reng a sualin a khawih chhe thei lo a ni (1 Jon 5:18). 1 John 3:9-ah pawh engtin nge a rawn sawi leh, “Mi tupawh Pathian hrin chuan Pathian chi a mahah a awm reng avangin thil a tvisual thin lo, he miah hian Pathian fate leh Diabola fate a hriat a ni,” a ti a. He mi thu hre reng chung a kan ti lui fo a nih chuan kan sualna avangin Krista Isua a thi nawn leh tawh dawn lo (Heb. 20:26). Lalpa tih hi finna bul a ni a, hetah hian, ‘Lalpa tih hi finna a ni ti lovin ‘BUL’ a tih kher kherna hi engvang nge tih chuan mi tupawh Pathian fa a nihna a hriat

chiana a piangthar tak tak a nih chuan Lalpa tihnaah a nun a hmang ngei ngei thin. Puipun nikhuaah emaw kohhrana thiltih honaah emaw ni danga a lo tih ngai miah loh tlawmngaihna emaw upate thu awiin emaw a nun a hmang thin. Chu tak chu mite hmuhah leh Pathian mit hmuhah finna a ‘bul’ a lo tanna chu a lo ni. Chu chu mi tuin emaw pianthar avanga a va inti fel reuh e tihte pawh an hlawh thin. Chu tak chu a ni kan Bible-in “Mi a te chuan finna leh zirtirna chu an hmusit thin,” a tih taka chu ni. Sam 90:12-ah chuan, “Kan damchhung nite chhiar dan tur min zirtir ang che, finna thinlung kan neih theihna turin,” a ti a. Hei hi ring lo mite tan a ni lo va, amah ringtute tan chauh a ni. Engvang nge tih chuan, Bible-in “Mihringte kan dam kum chu kum 70, damhriselna nen kum 80 thleng pawh a ni thei,” a ti. Kan dam chhung ni hi hlobet par ang mai a ni a, second khatah mi 4 an pianga second khatah mi 3 an thi tih a ni a, a dam chu mi pakhat chauh a ni. Kan dam chhung ni hi a rei loh bakah lungngaihna leh buainain kan la hmang chhonzawm leh nghal. Hringnun hi a chhiar thiam leh a hmang thiamte chuan Pathian tih chungin anmahni tisa

duhdana nung lovin an chhunga Thlarau Thianghlim duh dan ang zelin nun an hmang a, chu chu Pathianin mi fingah a lo chhiar ta a ni. Ni tin nunah “Lalpa chu tih la, hlau hek suh. I hlauh chuan engtikah mah a ropuina i hmu ngai dawn lo. Lalpa chu tih la, leiah pawh i dam rei bawk dawn a ni. Chu vangin, Lalpa tiha a thupekte kan zawm theih nan a thu Lalpan malsawm rawh se. ■

\*\*\*\*\*

# TUN LAI KHAWVELA TH/L THLENG (HANCHIN LAWRKHAWM

**1. Japan-in thlai thenkhat ei lo turin mipui a hriattir:** Japan sawrkar chuan Fukushima nuclear plant atanga radiation zungzam a put avangin he plant awmna chhehvel biala thlai chi 11-te chu a him tawk lo a, ei lo turin mipuite a hriattir bakah hralhchhuah a khap. US-a Food and Drug Administration (FDA) pawhin Japan atangin ei tur thenkhat chu lakluh a khap nghal bawk.

Japan Prime Minister, Naoto Kan chuan Fukushma leh a thenawm, Ibaraki bial governor-te chu an bial chhung atanga thlai leh ei tur siam an thawnchhuahte titawp turin a hrilh a ni. Radiation level, a pangngai aia sang an

h m u h n a zingah hian par b a w r, z i k h l u m, broccoli, buluih lam chi bakah bawnghnute la sawngbawl lohte an tel a ni. Health, Labor and Welfare Ministry chuan thlai chi 11, ei atana him tawklo nia an sawi zinga thenkhatah chuan radiation level chu mihring tana a him tawk nia sawi aia a let 160 zet tam an hmu niin a tarlang. Hemi rual hian official-te chuan mipuite tan chiaiphahna tur a awm lo tih an sawi nghal bawk.

US-a FDA chuan Thawhtanni khan thuchhuah siamin, Japan ram chhunga bial



pali, Fukushima, Ibaraki, Tochigi leh Gunma bial atanga thei leh thlai, bawnghnute leh bawnghnute atanga thilsiam an lakluh thin chu tihtawp a nih thu a sawi.

HetiHLai hian lirnghing avanga Fu-kushima nuclear plant reactor-a cooling sytem chhia chu siam mek a ni a, reactor 6-te chu power cable-a thlunzawm vek an ni tawh a, reactor No-3-a control centre-ah chuan light tih en a ni tawh bawk. Mahse engineer-te chuan reactor unit zawng zawnga power siamthat nan hun a la duh rei dawn a, a thla tel pawh a ngai mai thei niin an sawi.

Japan rama lirnghing leh tsunami avanga thi zat hriat theih chu mi sing chuang an ni a, chin hriat lohin mi 12,645 an la awm bawk. Japan sawrkar chuan lirnghing vanga thi zat hi a lo rin lawk aiin a tam dawn nia sawiin, mi 21,000 chuang an thi niin a chhut. Lirnghing vanga in leh lo chan, mi nuai 2 chuang zet chu sawrkarin an awmna tura a siam lailawkah an la khawsa mek a ni.

**2. Gaddafi-an hnehna a chang dawn tih a sawi:** US leh a thurualpui ramten an beih mek, Libya ram hruaitu Col Muammar Gaddafi chuan a tawpah hnehna a

chang dawn tih a sawi. Gaddafi chuan tangrual ramten an beih, an ram khawpui, Tripoli-a Bab al-Aziziya compound atangin thu sawiin, Islamic sipaite chu amah thlawp turin a sawm nghal bawk. Khawthlang ramten Libya an beih mek lai hian Libya sipaite chuan an ram hruaitu paihthlak tuma beitu, helpawl lakah beihpui an la thlak chhunzawm reng a ni.

Gaddafi hian minute thum vel thu a sawi a, a thusawi hi TV-ah tihchhuah a ni. Gaddafi chuan, 'Ramdangten Islam an run mek a, Islam sipai zawng zawng chu he indonaah hian an tel tur a ni. A tawpah chuan hnehna kan chang ngei ang' tiin, 'Kan tlawm dawn lo a, an missile pawh hi kan hlau lo. Khawvela air defence chak ber chu mipuite an ni a, chutiang mipui zingah chuan Gaddafi hi a awm a ni' a ti.

HetiHLai hian US Secretary of State, Hillary Clinton chuan Col Gaddafi-a thawhpui hnaite chuan ramdangte bepawpin, an ram hmalam hun tur te, an ram buaina chinfel dan turte an sawipui niin a sawi.

Gaddafi-a sipai leh helpawlte hi Libya khawthlang lama Misrata khuaah nasa takin

## SAN PANN EIN Boarding School

Kum 6-na

**Pawl 8, 9, 10 (Bio/Eco) zir turte tan hming pek theih a ni ta.**

\* Boarding lah ni: April 29, 2011

\* Lehkha zir tan ni: May 2, 2011

Kan Boarding kam 4 result-ah Lalpan hlawhtlinna ropai tak min lo pe tawh a; Doctor zirlai (MBBS, BDS) te, Aerospace Engineering te, IC, B.Tech, C.Sc, UFL, B.A, B.Sc zirlai za chuang chher chhuah tawh a ni.

\* Zirtirna chungchangah zirtirtu tha filawr te, Study guide tha tak tak leh a dinta Sayama Dari B.E (Electronics) zirtirna, thahnem ngai mi tak kaihbruainate chuan zirlai naupangte tan thlamuantlak tak dawna hman a ni.

\* Naupang nunchan zirtirna leh mi chhenfakawm ni tura kaihbruaina.

\* Hnam inthliarna awm lova inkaihbruaina dan hnaaiah hlim taka zirna purchawka tha.....

Kan hnenah hian hlawhtlinna beiseitate hlim takin kan lo hmaak reng a che a.

- **Sayagyi Suirotluanga & Sayama Lalpari**  
3/8; Bogyoke Road, Sanmyo, Kalaymyo  
Ph. 09-47072216

- ▶ **Zirlai tuina nena zirtir a nih a, a zirtuin nuam ti taka a zir bawh chuan theihngilh a ni ngai lo.**
- ▶ **Zirtirtu tha ni tur chuan i zirtir kha i tuizawng a ni ang a, i zirtirte kha i ngaina tura ni.**
- ▶ **Zirtirtu chu nu leh pa pahnhna a ni a, nu leh pa chu zirtirtu pahnhna an ni bawh.**

pungkhawm a ni.#

**4. Japan lirnghing vanga thi zat mi 18,000 an chuan rin a ni:**  
March 11-a Japan rama lirnghing leh tsunami raphlak tak thleng vanga thi zat chu mi 18,000 chuang an nih an rin thu police official-te chuan an sawi.

Tsunami tuar nasa bial, Miyagi-a police thupuangtu, Hitoshi Sutawara chuan Miyagi bial bikah pawh thi zat hi 15,000 vel zet an tlin a rin thu a sawi. Sugawara chuan ni tinin mitthi ruang eng emaw zat an hmuhbelh reng niin a sawi. National Police Agency chuan mitthi ruang an hmuh zat hi mi 8,600 chuang niin, chin hriat loha awm zat chu 13,262 an nih thu a tarlang bawh. Japan rama chhiatna raphlak tak thlengin thil a tihchhiat hlut zawng hi dollar tluklehdingawn 235 vel niin World Bank chuan a sawi a, indinthar leh tur chuan Japan chuan kum nga tal hun a duh dawn niin a sawi.

Hetihlai hian lirnghing avanga Fukushima Daiichi power plant-a reactor cooling system chhe zinga reactor pathum chu engineer-ten an siam tha tawh a, reilote hnuah enchhin theih an beisei tawh a ni. Heng reactor-a boruak vawn daihnate hi

lirnghingin a sawichhiat avangin nuclear plant atang hian radiation zungzam a put chhuah phah a ni.

Nuclear plant dinhmunin ziaawm lam a pan laiin, nuclear plant awmna chhehvel biala bawngnute leh spinach an enchhinaah *radioactive iodine* hmuh a ni, hei hi mihringin a ei tel chuan a hriselna a khawih pawh thei a ni. Health Ministry chuan Fukushima hmarthlang lam, km 30 china awmte hnenah iodine hmuh a nih avang hian tap-water pawh in lo tuirn a chah. Ministry thupuangtu, Takayuki Matsuda chuan iodine an hmuh chu normal level aia a let eng emaw zata sang a nih thu a sawi.#

**5. MYANMAR-AH LIRNGHING:**  
March 24, 2011 Nilaitawhtan zan khan vanduai thlak takin kan ram chu lirnghingin a nuai leh a, mi 65 zet in an thih phah niin UK chanchinbu Gurdian-ah tarlan a ni a, mitthi zat hi an punbelh rin a ni bawh. He lirnghing hian Myanmar leh Thailand ramri bawrvet a hrut a, Thai khawpui Bangkok leh Vietnamese khawpui Hanoi lam pawh a nghawng pha hial a. US Geological Survey



te chuan magnitude 6.8 nia an sawi laiin site thenkhatah chuan lingnging tehna 7.0 lai a thleng niin tarlan a ni.

Kan ram state radio-in a puan dan chuan mi 65 an thi tawh a, mi 111 chuan hliam an tuar a, Buddhist phungki inpui leh sawrkar in 9 chhiar telin in 244 lai a chhe bawk.

Tachileik khawpui atanga mel riat vela khaw awm-Mong Lin Khua phe chu a chhe zual hle a, he khuaah ngawt pawh hian mi 29 an thi a; mi 16 in hliam an tawrh thu UN's World Food Programme official te chuan an sawi a.

Tarlay khuaah pawh in 15 a tluk chhiat thu sawrkar chanchinbu New Light of Myanmar ah tarlan a ni a, he khuaah hian mi 11 an thi a, mi 29 in hliam na tak an tuar bawk. *Source: vanglaini.org*



### ZUNTHLUM LEH THISEN THLUM DAMDAWI

Zofate zingah **zunthlum leh thisen thlum** natna vei kan tam ta hle niin a lang a. He ka thil hriat hi zunthlum leh thisen-thlum natna neite tana damdawi tha niawma mi sawi kan tangkaipui mial takin tiin ka han tarlang a ni. Lo tichhin ve teh u. **Theihai hnah zikno (Eng chi pawh a tha) chhum**, an-tlak anga tlak tur. Chumi chhum tui chu thingpui ina in mai tur. Ni khatah wawi thum vawili pawh in mai tur a ni. Nikhat-nihnih lekah a tha var thei nia hriat a ni. He thu hi, a taka titu, doctor-in a thisen an check-a a lo dam var mai tih hretu hnen atanga ka dawn a ni. Lo ti chhin ve teh. - Rev. Chuanga



- *Phek 7-a mi chhunawmna...*

hian Pau No ang hian mo neitu tur Lal Isua Krista chu kan rilru zawng zawng, kan thinlung zawng zawng pe ila, *"Nang ka kianga i awm chuan lei hi van a chang thin, min kalsan lul suh aw Lal Isu"* ti mawlh mawlh thei ila, chu mi hunah chuan kan awmna hmun apiang mai chu hmun ralmuang leh khawvela hmun nuam berah a lo chang mai dawn a ni. Amen. ■

## WY HUANG

1. **NWYhruaitute Yangyi Aung-ah:** April 10, 2011 Pathianni tuk khan Hakhalay District, Yangyi Aung Local WY te kanin Youth Director Pu Zohmingliana, Secretary Pu Ngursavunga Sailo, Treasurer Ni. Laltlanzari leh Journal Sec'y. Pu Laltlanliana te an kal a. Local WY hruaitute nen inpawh taka inkawmhona an nei thei a, a lawmawm hle.

2. **NWY Ex-Director US atangin lo haw:** Pu Marvin Lalhrilliana chuan USA-a rawngbawlin kumkhat a va thang hnuin Dt. 9.4.2011 khan Tahan a lo thleng.

3. **Mission Veng DWY Inkhawmpui vawi 8-na:** Mission Veng DWY Inkhawmpui April 15-17, 2011 khan Mawsi Local-ah an hmang. *"In taksa chu inhlana ka ngen a che u"* (Rom 12:1) thupui leh *"Changkanna Rahbi"* Rev. Laltanliana buatsaiha zirho a ni.

4. **Satawm DWY inkhawmpui vawi 6-na:** Satawm Local-ah April 15-17, 2011 khan *"I rah chin apiang i ram"* (Josua 1:3) thupui hmangin crusade inkhawmpui neih a ni. Evan. Thlamuan Thara rawih a ni a, inkhawmpui chhimtute leh Pathian thu ngaithlatuten an hlawkpui hle.

5. **Doctor zir laite puihna:** April thla chhuak Hnehtu-ah khan Doctor zir lai puihna pekte zingah khan tarlan hmaihte kan neih avangin kan han tarlang nawn leh a ni. Doctor zir laite hi kohhranin (kum 2011 tan) K. 40,000/- theuh a pe a ni.

- 1) Ni. Esther Laldinthari MBBS kum 5-na, Letpan
- 2) Tv. Lalringgheta MBSS kum 3-na, Yangon
- 3) Tv. Lalpektluanga MBBS kum 1-na, Sanmyo
- 4) Tv. Henry Lallianzuala, BDS kum 3-na, Satawm
- 5) Tv. Muansangliana BDS kum 3-na, Vengpui.

6. **Thu inziahsiaik hawng:**

- Thupui: *"Zo Nun Mawi, Liam Lul Suh"*
- Thumal: 1500-1800 inkar.
- Mi tupawh tel thei a ni e.
- Paper chu Computer-a chhut, A4 size-a phok lehlam chauhva chhut ni thei se. E-mail atanga thawn duhte tan: hnehtuchanchinbu@gmail.com-ah thawn thei a ni.